

謙齋文集



徵士徐芳聲傳



徐芳聲字徽之天啟丁卯與父明徵同時應鄉試明徵卷爲書經冠曰吾冠一經無所愧特愧吾兒耳太倉張溥集天下名士爲一社至東浙每不愜已而得徽之名大喜指示衆曰此蕭山徐徽之也長洲楊廷樞金壇周鍾嘗選天下社文不得其文不敢選時同里翁德洪才地相似人謂之雙璧著兵農禮樂諸有用書而尤詳於兵初芳聲與翁德洪蔡仲光何之杰張杉友善而與毛銜奇齡初名銜周晉民作忘年交

天子收復西南疆大赦

謙齋文集

傳

詔徵天下山林隱逸之士侍讀湯斌侍講施閏章各以芳聲名薦之鈞軸邑令姚公文熊詣門勸駕而芳聲與仲光並力卻之卒年八十有四蕭山縣志采毛奇齡撰徐徵君墓誌



謙齋遺集卷之十二目錄

附刻 公評徐徵士文

贈禾中徐重威

題陶小脩小影

入泮贈言

答吳江周逸少

陶柄南新婚

朱貞侯小照

爲子章叔北上贈別

送蔡天德董教遂昌

送周次脩教諭宣平

謙齋文集

目錄 卷十二

跋蔡天度不窺園詩集

誌翁繼若書脩學碑記

堦吳以重五旬初度

題畫

輓張五南士

越郡公啟姚督憲

壽長兄開之八旬初度

題統元道人募卷

峴山稿敘

明太祖平定天下紀略敘

兵古敘

題丁東阜身後芳名卷

贈何漢又武泮

翁奇先五句初度

王孝子負骸記

壽王自牧

贈諸全駱璋彥

壽蔡大敬

王思永新婚

題霄羽影障

謙齋文集

目錄卷十二

題涵之書舍

壽蔡大敬七十初度

柬松陵顧茂倫

贈朱羽丹新婚

柬貞一萬太史

丁大聲六句初度

送李一暉昆季上公車

壽俞文起七旬

贈駱幼重

同賞秋蘭

送陶燕公北遊

謙齋文集

目錄
卷十二

三

十三

送陶燕公北遊

謙齋遺集卷之十二 係附刻 徐徵士文

蕭山 徐芳聲徵之著
蔡仲光大敬評

後學蔡 震甲雲士編纂
應鳳小汀校刊

贈禾中徐重威

乙卯冬杪三衢葉靜遠稽魚雁十三年同禾中徐重威來
介之贊見余卻步而謝聾瞽老人局桑樞久矣面不風塵
胸非皎日胡能揖天下士而握之手也憶二十年前弟涵
之館嘉郡時有構讀書精舍者漆聖甫竣選月正元日敦
禮涵之登皋比講程朱之學意必其尊人乎詢而悉其世
詩書及一門忠孝事遂不自外進與言乃具百人之才而

謙齋文集

卷十二

不屑以儕偶之志志儕偶之學學者叩竭兩端如球之鳴
如石斯拊日不足續以燭歲暮言旋訂鼓楫在時之初夏
如期至余笑迎曰飽芳英者蹤金谷羅巨鱗者餌甘泉茲
擷花於淵罔魚於麓而誠尺短自非無寸則無乃羞寸長乎余幼
負高懷壯逢世變今老矣不盲於目而盲於心荷天不遐
棄顛毛未雪而馬齒加長夙所揣摩今不敢於人前吐一
字子實而來不幾虛而返乎然子之誠足孚也吳去越三
百里有奇乃昔也掉雪月之扁舟今則鼓薰風於江許三
揖而後升堂拜膝而前者再積生平之所疑盡登之策策
盈於筍耳疲於舌竹窗夜話似縷添長諸所參求必於睡



夢中亦晰白而寢乃卽安是真欲以實學見之實行者處則名儒出爲王佐老人東於才儉於德敷苗未力築場納稼何有乎千箱幸瓶中尚贏粒粟不知足以果子之腹焉否也於其歸述契合之雅而綴之以辭

句句洗鍊或鎔古或自斲無不蒸爲雲霞一望皆輪囷蕭索之氣重威固賢得此遂愈生色

第大敬評

陶小脩小影

人固有短鬢方青抱古人之一卷挑燈肆外傳目不睇山之層水之折武不躡里門外眞芳藥初英也而於天下事鉅艱如軍國細及米鹽無一不朗朗於胸中若燭照而指

謙齋文集

卷十二

二

諸掌者一旦琴劍遐征息年少之馬蹏首王公之虎座逢人傾握語輒驚筵克於鄰烽照眼時萬騎星馳千檣颯發一夕之雙羽如雲巾脫之誅呼如火老成練達者正攢眉棘手甫經揮撥整有餘閒設轂引是人登之揆席必能上理宵衣之疇采下衽濱死之瘡痍是誠濟變之津梁療時之菽帛舉世罕乎禱求則吾同學弟燕公之哲允若小脩者其選矣小脩弱冠仙姿穎絲天富才大於身又幼琢於家學燕公優管葛之略偶奏鸞刀而小脩實能跨竈晨昏乃父十載湖湘丰采英華如鳳羽之翔奇花之郁名公巨卿無一人不以水乳小脩爲明珠蒼璧之拾茲策轡里旋

須眉差壯意氣霞鮮古迂儒之闊步嗤於俗久矣而又不
屑以今之儕輩自非坐人於春風中振履於青雲上爰丹
新影寫我夙懷其匡鼎之雄心乎抑台鼎之偉望也
千鍾百鍊語語精密讀之數過無懈可擊

八泮贈言

士至今日而言快心猶斧薪於山之童弋鱗於水之麓必
無幸矣尚有一二同心之侶饑以孔孟爲糈寒則詩書是
絮晝吟共几夜雨聯牀爾披我襟我呼爾白燕居良友差
足快也然肝膽雖孚猶云義合快莫快於子有奇文父兮
欣賞兄方選韻弟卽賡歌呼兒漱近哲之芳攜手擷先英
謙齋文集 卷十二 三
之藻邀秋月而坐名花一家八口呼室人而謀珠桂萬卷
千箱雖人爵之未榮實天倫之備美兄孝恭令德天監不
遐和氣所鍾雙芝朱草行肩比而雲鷺自嚮連而鳳舉香
浮桂影紅滿曲江余於斯佩決之羽丹芹襲其先驅矣
一家父子兄弟盡屬能文真千古樂事而以柔懷綺語
寫其芳妙愈搖我情

答吳江周逸少

壬戌南交之初後哉生明十日老漁懶於鼓釣志不在魚
也晝鍵榛屏小窗靜好茶殷音而雷細香縷馥以雲輕見
花影移書乳鶯新弄悅吾耳目大塊文章爰呼兒闡肄繭

絲者晰理之元言津梁者濟世之鴻業父而子師弟而兄
友絃詠天倫忘乎世之爲今日矣忽內子杵粟而前曰瓶
之罄矣簪亦脫矣妾雖久奉教勿以絺鹽俗吾雅緒然典
衣計拙米貫如珠如此食指何余素不憂貧亦不禁色之
阻而悒於心曰徐子讀書不負書止讀得瓢飲一章屢空
二字天高高矣人於何尤仍支頤卒讀而屏以外剝啄聲
動有輪以明珠十斛者寶氣物庭殊彩耀日則周子逸少
鏘玉佩以來徐貺我錦篇繡字一字于黃金者也嘻徐子
富矣老漁弋巨鱗室之人飽矣然飽老漁曷若飽瘡痍飽
老漁之一家曷若飽天下向也四征弗庭糗糧天末火星
輓於東南吏哨於門宵無寧吠今梯航玉帛牛放桃林歲
省度支數百萬有奇銷兵闔外藏富域中特霄漢君門呼
之者萬里耳吾子才華冠冕鳴則驚人走馬曲江陳情丹
陛乘天子之霽顏爲民請命嗟此嘸饑赤子夏不饘冬不
絮瀝膏血者四十年宜育以十年之復邑皆湯沐詔屢捐
租俛瘠起溝中農狎於野沃青萋之雨含綠畝之哺羔羊
春酒子觴其父夫飫其妻百室千倉形不鳩而色不菜願
以魚水之承恩果四海蒼生之腹也

因已之饑而念及嘸饑赤子真有工部廣廈千間大庇
天下寒士之意特借逸少自寫其懷耳文之都麗雅合

所不必言

陶柄南新婚

余與燕公交歷祁寒而暑雨已萬二千日有奇嚶求友而和聲訂詩書之伯仲則燕公之玉樹余猶子之吹壘也今其孫柄南辰選二陽小諧鳳偶筵張畫錦逆不速之友以宣歡屣而趨倒可知已彩輿緋障爛其盈門晶晶兮月殿之珠簾嫋嫋乎雲璈之縷奏絲紅桃杏幔閃天花香美鬱金鏡羞鸞照芝顏搖燭影以迎朱龍腦侶蘭英而進馥屑裊春煖欹枕雲斜女曰鷄鳴郎曰昧旦鈿襯畫蛾之纖穎蓮移問寢之輕鏘燕公之喜何如矣余固仲燕公者遂以謙齋文集

卷十二

五

其喜爲喜不禁啞其笑而筆走以辭

撰語華秀如立春風之中緋桃穠李紛紛欲下如雨

朱貞侯小照

庚申椒獻距貞侯入太學之年其爲裘葛也七矣雋英儒雅口無輕矢動鮮擇言氣融融而裳楚楚郁乎浥露之鮮葩也似於蘇柏虬松格不相漆乃勤意余親不卻步於老人之迂戇慚非有道就正之慙良嘉若聲以余爲律而身以余爲度者憶十載前與同之外傳通晉接覲其莊誦聖人之書目晶華而音金石心儀之此千里駒也髫髻中百不遜一今歲月遙遷而神采道上氣誼漸孚交於是譜忘

年矣一日手新影示余倩琢穎弁其首閱之見雙鬢婷側
短髮抱甕香藹鬱金意富家兒韻事貝玉其肺腸乎乃琴
書左右巖淵迴旋白鶴飴青斑龍茵綠儼然洞入桃源深
人芝徑巒影溪毛灼灼盡桃花之初沐者春風說兩入相知處滿盈面秋月
澄懷絕纖塵之或染異日處富貴利達中知其必不寒高
山流水之致無怪乎虬松蘚柏有洛鐘之應珪璧之聯也
雖然天地福我以秀靈父母恩之以七尺宜其著勲朝野
騰譽來茲設徒矜尺寸之功名怡情康樂垣以內之規模
耳其負天地父母實甚豈老人相與有成至意懋哉夜雨
寒檠饗飧經學博經學以宏經濟製吾美錦衣被蒼生數
謙齋文集 卷十二 六

十年後於高車結駟之日暇選公餘展卷自玩曰今之體
度偉矣袍裏丹矣吐爲鏞髯如戟矣而少年之丰骨若此
嗾伊何人哉浥露之鮮葩乃爾哉當必霽若顏而嘻其笑
矣
無一語不潔無一語不鮮以庾子山清新豔麗之筆寫
潘安仁瀟灑出塵之姿故更無一語不曲肖

醴洒河橋韻賡折柳賦離情也余則觴以二百五十

言蓋一字一滿引矣爲子章叔北遊贈別

夏之初孟和風徐徐楊柳霏霏叔氏子章肩琴書以宵征
睇長安而問道先日詣余別曰此行非意之所安也親須

霜矣家日落拙言餽口聊以遊遠代吾耕余曰戚哉丈夫
不得志無能享二親以青雲之粒欲負米四千里外解子
婦之擗憂馬鳴蕭蕭腸迴九折寧非情之戚焉者乎雖然
無庸戚爲也弧矢四方父母原祈我於始生之日三十年
藜火鷄鳴製成美錦吐吾麟鳳楮烟呈燦無一字非華國
之祥音且兵農錢穀銖寸細商眞能以古之舟楫濟今之
巨川茲時事孔艱相臣側席方以璽書破格畧蘿徑之珠
英吾知明月之珠夜光之璧爲有目者所共寶元纁彤矢
爛其盈門則策蹇之離亭卽金鋪之拜詔壯哉行矣可大
笑出門矣

謙齋文集

卷十二

七

語雖藻績意實悲涼而藉時事之破格以壯其氣所以
慰之也其中曲折雖短章無不合法

送蔡天德董教遂昌

嘗恭頌虞史之文知堯舜之風動乎天下教養其大端也
穀有百播之而民不阻於饑教有五敷之而民得孫於品
自夏迄周官制備矣邦教邦土並列六卿吾夫子攬轡朝
歌憲垂王政曰富之必曰教之子輿氏善學孔子其絕大
經濟封建井田外必詳學校蓋天子不能以一人均四解
寄其權於宰相宰相又不能以一手足代理分其任於百
官百官中親民爲要守令其選也故曰內有賢宰相外有

良有司則時和歲登鳥獸魚鼈咸若景星卿雲瑞之而天下大治然養不能兼教司教別有專官爲天子分任教養者也愚則以司教爲尤重蓋朝廷建官上而公孤卿大夫下逮丞尉細職莫不書升於庠序庠序者人才之淵藪也治道之污隆國勢之盛衰係焉官宜以清華有品行者典之量才之所掄爲殿最閒有卓越大良爲邦之光者晉教秩以崇班進賢受上賞不次之銓法也自立政者闡於治體不善以學爲縣又之屬聽考成於邑宰束資格以遷官且以戒得之老儒分訓私家於宜聖之宮牆師道不尊彝倫攸斁教化偷而風俗劣上無賢父兄安所得賢子弟卽有飛聲

謙齋文集

卷十二

八

費序芬炙都人者不過繡口春花鬪彩流紅之琢筆耳焉得有千人之俊萬人之杰膺特賁之弓旌對揚休命躋納陛之廷坐采恩之下與一人論道經邦者乎余外孫倩天德少年適上美秀而文瞻天祿石渠之富吾黨之白眉也屢則棘闈降心秉鐸欲以古司徒之教教天下而分符於處之遂昌古會稽郡之屬邑也地中閩越絕巘插天人頁山以居俗敦淳不嗜綺麗蕙之人沓於稼伐柯之韻鏘於絃歌故文物聲華於洛陽乎少閒然天之產才不以地限詩書之孔孟豈鄒魯之能靈况川嶽層迴必鍾英茂向以膠庠爲郵寄鐘鼓音希遂致文運偶湮才艱踵接今天德

一吐胸中之麟鳳羽儀多士俛提耳而鷄窗者朝以晉魏
爲梁炊暮以漢唐爲黍甌家董賈而戶馬班將珠沈於淵
探之而光可照乘玉埋於山採之而美可待沽不見昏齒
之鄰封乎金華四先生開一朝文教之始而青田劉子應
聘出爲帝師安見布衣之抱璞不卽爲華國之龍雲宰相
爲用才之人講席實育才之佐公輔之階亦卽於寒氊之
日梯之已時方春服之成正捧檄登裝之古百爾姻朋冠
蓋雲連張祖道於南門之外卮引蘭陵綴之錦壁老人曰
錦壁寶也寶而不雅莫雅於羲獻之烟韓歐之管余不敏
拙與年俱壽曷敢尾先哲之塵補虎之綉於貂之續然潑

謙齋文集

卷十二

九

墨自豪老當益壯無文羞澀又非薑桂之所安也爰振觚
倚馬嘯我南金之一笏云

前半絕正大議論真可垂之不朽末路言情處嫋嫋筆
端簸弄無窮煞是妙絕

送周次脩教諭宣平

景星現而淑氣呈芝草生而百昌遂麒麟遊鳳凰鳴而聖

起語絕麗輝煌煥明

人作才人出而治昇於盛邦乃其昌則才者天地貴美之

靈國家熙隆之瑞古來代不數人數人中推其尤庶者指

無能更僕屈也余髮甫青謬叨雋譽遂狂肆日無選人中

齡丁鼎之革山之阿解之涓聿多隱君子氣誼遙漆不遠

以琢句見峭

千里云隔而舟輿遠臻余嘗晝鍵棹扉肩書囊而啄余扉者桑簷之影恆織詩蹤杜李文伍韓歐喜浮曲水之斟悲酒新亭之溼大江南北名賢蹟矣然皆華國之秀彥非幹世之人豪求其實嫺經濟出爲王佐尊則帝師者私衷未多允焉古語所以嘆才難也不意重垣之外不百武而遐晨夕一不世出者而心折之曰周子天下才也周子早歲駿有聲一目數行下罟汲冢之奇日以寸腹筭珠璧筆吐笙簧其峻懷山之青也澄襟水之碧也雅韻則月下之美人丰彩則花閒之翠羽都人士嘖嘖焉曰才子之風流若此乎抑知其志托高齋每儕其身於管葛嘗縱遊秦晉燕謙齋文集

卷十二

十

趙暨魯衛楚豫之區非若太史公博覽名山大川丹之獲之繕絕代文章地也凡迅帆所指倦轍所稽必考詢民風土俗及關津阨塞險要并甲兵錢穀之數故天下大形勢大利弊無一不燭照於胸中阿衡倬略已於作秀才時豫之不謂天老其才趨而屢蹶乃以金玉之奏鐘鼓宣平人咸惜其小割余則曰否否此闇於識者之言非通曉治體者也粵效唐虞命官岳牧外首百揆矣而甫咨后稷隨董司徒周制六卿地官與天官並重蓋治天下止教養誠論正大字丁解快一大政而教不後於養世道人禽之所分也故冢宰銓衡鐸與尹宜等級世而未矣隸學於縣此沿襲陋章未經大儒參

定者也朝廷建官雜職外印纍纍而綬若若有一不出於
論秀書升者乎聖主以求賢爲心賢相以用人爲職而所
用之人必沐浴於數仞之宮牆是以俊於鄉者入社學社
而縣縣而郡郡而國國學者成均所淑之子弟天子之門
人也歲必臨軒親策焉遂以育才之多寡定掌教之官評
遷階與邑宰同涉則體統正而師道尊秋冬禮樂春夏詩
書濟濟執經環橋觀聽何至沂水之濱鞠爲茂草乎或又
以僻壤爲嫌不知天之生才地不得而限之十室之邑必
有質美如尼宣者不見青田借文成公作榜條見宣平非下邑劉子弼成二百八十年之鴻
業乎同爲括蒼屬邑焉見宣平之少遜於青田也且余爲

謙齋文集 卷十二

七

次脩幸矣學贍石渠徵書旌召茲復靜息萬山之巔俗埃
隔世目溪花爲錦字耳鳥語爲異書黑貂季子昔年揣摩
益將智燦來今識闕往古養成六翮翔而九天賦獻甘泉
天顏有喜宣榮黃屋不次崇班起而作事則一人之股肱
坐而論道則至尊之心膺設或邊羽星馳詔威望之令公
虎符闕外馬頭羅拜銅柱禮那省鹿木但耶那道旣醒之燕山將相功高心驚寵利宸翰
策勲於宗禮老臣百拜以明農鸞輦餞郊百官祖道門迎
駟馬世蔭分茅而乃鳩杖布袍欣盟山水社耆英焉卜晝
韻擊鉢矣流觴月榭風亭雲箏雪管車旋白鹿菓採青猿
鶴髮者錫土之元公方瞳者拂衣之仙子天下才之曠度

塵蟻一世若此哉然後知老漁心折鑑之明非美之溢矣
周子亦霽於色而醉於心曰生我者父母知我者先生矣
文鑄六朝之彩而以參錯見長愈覺味腴而色古

跋蔡天度不窺園詩集

春之日初霽風柔庭芳奏豔汲新香雪茗對古人欲笑欲
攜此身金谷而天度乃以珠玉見遺檄不斐之言爲殿是
言難爲跋也深秀
卽古人之季方也天度名家子黼宏世學髫駿有聲刪塵
點如鸚驅沐琴書以自潔懷澄秦月句燦隋隄饑以朋友
爲黍漿寒則文章爲豹飾宋師元祐唐侶貞觀不世出之
鴻才也今文運子開多英逐鹿選毫角勝誰唯唯以心之
謙齋文集

卷十二

十三

錦下人會獵天度於中原咋曰非敵也全師而旋者三舍
蓋墨光破壁絢幻層霞一字照人須眉五采呈茲寸璧鉅
橋中勺粒耳炬目力者寓焉當不以巧婦之炊爲美之溢
也

卓然自爲一家之言其琢句艱而實秀其運思深而愈
古初讀不甚析者數十讀無不暢析如編夜光之珠以
作佩但見光華爛目而已始知 六兄精力倍於仲光
千百也

丁亥脩學碑記織若書也兒輩學書成帖余指示之
曰此乃父之昆季也因誌六節如左

織若翁子各德洪余世交也少余七百有二旬故弟之同
里同學同性情自講道論文外凡泛明月之舟理登山之
屐尋紅呼白蓑不爾偕儻違晝永之顏必速星前之駕蹤
影之聯莫有邇於斯者慨生不辰甲乙痛深錢江兵潰各
攜脊巢山之阿去途迂十里而遙然舉趾之殷法能縮地
晨夕如故也夫何山中兵起老母宵驚余違志扶母入城
而織若乃以其子虎臣之請纓年少登壇致闔家盡以義
殉嗟乎禍酷矣而織若之志伸矣織若幼盟大志仗氣節
以君親二字爲菽帛不瑣瑣營温飽家四壁而豪舉若失
其貧解內文章道義之英跂其廬者影躡琢佳句則穎且
生花談節烈卽義呈於色生平喜讀張睢陽文丞相諸傳
首崩地繼之以泣曰大丈夫讀聖賢書作忠孝事以身許
國草莽皆臣願爲識若寫心雖千以沙場死不願城下以全軀保妻子果稟有生氣生故其死
也吞白刃其如飴北向拜南向坐怒詈不絕口求加死於
其身者故鬻無完體無遺玉之可埋止凜此浩然之氣流
日星於天壤山溪色黯草木爲枯吾知其必呼父子兄弟
提血鮮鮮之粉骨上告帝天帝天必戚容矜禮特錫褒嘉
其寵貴在青雲之表以視世之辜國恩者蒙頭臣妾鬻衾
影市清夜百舍垢以千一命倖若朝華死之日鬼虺其魄
士君子唾其面子孫羞以爲祖考其榮辱妍醜相去爲何

等哉余故每以纖若之求死為得死而纖若不以余之得

生為苟生蓋人各有志有死而生者有生而無疾於其死

者志一日不伸則一日不死但恐其心之異寧必其事之

同哉第向也蹤影如是之聯茲則夢迴三十餘載得無隔

世之春秋須眉之罔憶乎今展是帖字畫之內神采飛動

光氣燭人遂不禁大聲以呼之曰纖若在斯矣雖然勿應

也碑成矣丐鍾王於纖若辭友說當如是不赴余亦固止之友以他事

給之行邑以內姻紳僚友此姻紳僚友之罪以稱兵阻江岌岌憂不保各以

身家請勉承之歸而悔恨甚曰我何至不如安民也厥後

以滿門大節纖若究竟無愧千古尚何青蠅之足玷哉

謙齋文集

卷十二

古

如讀太史公聶政荆軻諸傳辭氣英發神采爛然予亦

深知纖若愧無以揚之讀是文可以不作矣

壻吳以重五旬初度

乙酉初夏館壻於荆扉不數月隨避亂潘泉之麓甫及暮

而歸迎余於時膝乏呱呱子旅之情楚矣值山中不靖挈

脊走母家家在江之許志不趾城之闐也有飛語為余謗

者壻艤舟以促違志入城故廬燼矣壻洒葺層樓米鹽悉

備犁綠畝勸余稼得黍粒於壻之有秋諸晨夕之艱不呼

而應時壻之髮正青余顏亦方壯曾幾何時而余已杖扶

於國壻須眉亦一二霜蓋登知命之年矣三十年間暑同

又自為每心

食寒同衣見其於親孝於兄恭於友信事鮮纖瑕動無寸
逸讀書課子教不以聲而以身口不宣失實之音面不展
艷人之色高賢滿席賓至如歸御最可簡之人必以禮處
難容之事亦以恩古有道仁人之亞也學謀經世才足理
繁洞古今治亂之原清君子小人之辨民情吏治凡是中
之非利中之弊無一不觀火於胸中良二千石之選也可
以梯榮而不干仕進避聲色如避讐嫉豪奢如嫉惡三澣
是溫蕪根亦飽不炎炎之少豔惟淡淡以欣情則又隱君
子之林矣今四女子于歸兩兒名立百齡方半俗累全剛天
之吉氣每與入之道氣相符芝產於庭行之芳也鸞鏘於
室德之音也吾知天福端人於焉始矣尚其益勤夙夜懋
砥躬脩不可以告天之心心必自訟凡可以厚人之事事
必仔承將嘉行積之鄉評而駿譽騰於王國天子寵賢良
之詔兩兒捧晉秩之綸壻與吾女重披金紫之榮永壽天
倫之樂青精爲飯白鹿乘輿月管雲笙齊眉綵舞金盤溫
露醉千日之松花余老人尚玉面方瞳共婆娑於晝錦
以重之德之才如此而嶽翁亦必仙道有成吾知其福
履所綏當如金張王謝而過之不知何所極也

題畫

世無千百年不毀之物有千百年不毀之情情緣物而生

起得年

非情之甚不可解者也然梧捲思哀手澤在焉又豈非不

可解之情緣物而生者乎茂枝持尺幅畫以其爲兄賓明

所贈也丐余言誌不忘夫剛莫金若金可爍壽莫石若石

可糜惟情則火不燃水不溺貧賤倍親存亡尤篤故天不

能禁人之不死不能禁死之人不生今賓明生於尺幅之

畫中生於茂枝不忘所贈之意中又生於丐余言以誌不

忘所贈之筆墨中澗花巖草檻風簾月日澄澄如有見耳

浙浙如有聞畫中有人呼之欲出賓明於是爲不死矣嗟

乎風景頓殊江山非昔荒畦野老尚爾吞聲乃有膺高厚

之恩者以爲摩頂放踵必發出如詩大義一而作文地位方高十世猶將繼之一旦改面易心始

謙齋文集 卷十二 六

以利害二字顧我身家隨以身家二字營吾富貴富貴者

淫人性情之罟獲也得之以道則榮不以其道得之則辱

榮在一時辱在千古衮影卽勿問矣亦思天地鬼神昭布

森列百爾彌縫洞見肺腑夢有時覺汗之浹背何如乎設

以茂枝之尺幅示之流水斷橋倏而十目倏而十手提人

清夜不知幾許鷄鳴矣君子曰茂枝之不忘所贈也情也

天有情故不崩地有情故不沈孝子不忍死其親忠臣不

忍沒其君情若茂枝可以風世矣可以呼人心矣

前幅全以虛景簸弄死者躍躍欲生後幅發出絕大議

論慷慨以之此所謂寧可搗破鼓不可放倒旗也然亦

妙有含蓄

輓張五南士

余之弟南士蓋在禾黍之當年矣志銘終寔溼宵夢於枕
痕學日腴而家日瘠品日益榮振厥躬於喬嶽之層巔錦
其心於朝霞之煥燦鍵扉輯影鬱與貧增爰走馬於秦齊
荆豫閒蕭蕭鳴天下之半邇以請稼傭書代耕東粵詎容
蹇病旋館捐中路不參苓於子婦訣姻友而誰呼天實楚
之痛何如矣誼深昆弟之悲淚染招魂之筆余曰南士之
魂可無招也人始生魂棲於魄死則魄歸地而魂陟天
人之氣卽天地之氣正氣也庶民賊之君子寶之南士稟正

謙齋文集

卷十二

七

氣生寶正氣死球琳瑞質骨有餘香方將以力扶名教之
布衣砥柱狂瀾之草莽奉此六十年水不溺火不糜餒不
蝕節凍不爍義之剛腸峻潔冠裳冰心對越嘔茲丹赤帝
鑿不遐黍稷非馨節義斯享自以不祿於其身者祿之嗣
子童孫矧跨竈而駿有聲久已膾芻人口哉則南士雖死
之日猶生之年故曰南士之魂可無招也蓋人無寸長片
善噴人牙慧蚩蚩焉肥粟粒以終其身者雖生也而死如
衾無蠅玷影拭塵瑕後學宗之若泰山北斗則死也而生
故人爲一日之人死遂以一日死人爲百世之人死還以
百世生古來志士仁人有歸全而正於寢有殺身而壽於

鉄鉞甚有裏其玉於黃沙白草閒者皆生也皆不以其死
死也南士眞能讀書眞不愧節義二字今人其色笑古人
其肺肝則生順死安觀於旅與易簣於妻孥之手曷異且
人一生學術出則以勤施四方者對揚天子處則推敲馬
上寒暑乎文章文章吾儒散現之全身也南士以天空解
闊之才琢秋月春花之句墨汁所淋漓光電彩鷄窗穎脫
簞籥筍盈展翰澤而高吟見繡字中有眼若巨星髭脩戟
列頰乃顏而黃鍾大呂其音者余不禁響欲答而臂之攜
噫是卽余之南士也與

以千古不磨之議而行之以秀茁壯麗之辭昔人稱柳
謙齋文集

卷十二

六

子厚之文精裁密緻燦若珠貝猶爲溢美此文足以當
之

越郡公啟熙止姚督憲

景運鴻開靈鍾川嶽聖君賢佐如響赴聲周召伊呂所以
卓越前徽也先生才雄德邵五百年而一出宣勤十載績
紀太常浙閩馘氛牛刀小効邇卽鑄鼎於東南嗣必止戈
於西北蒼生^字生^字生^字之曰二天天子鄰之曰心膂汾陽後一人
而已而殷情洒潤尤先井里之戚父母之邦如越疆劇患
西江塘其夾脊三江闡其尾閭也兩年塘圯人也而魚錦
片桑麻滔焉澤國士紳築舍當事處堂先生於三千里外

柱中流而獨砥之饑溺心焚囊傾不倦波臣恭命功可盟
神自此數百萬家之廬舍皆先生堂而構之數億萬萬之
子粒皆先生倉而箱之者也姚之世澤殆山與俱高水與
俱長矣然此利一時未及百世利三邑未及九州茲有古
今大業日星並耀者敢爲心腹佈之自開闢來有道統堯
舜諸聖人仔承之迄今四千餘年大聖莫盛於周大儒莫
多於宋而明自陽明先生後罕矣薪傳幸吾越挺生念臺
劉夫子致知力行博文約禮真堯舜之文子文孫也首陽
其一節耳運艱鼎革從祀未遑辛酉浙闈潛菴湯太史殷
勤策問立齋徐殿元昆季羹牆上年臺臣某以
諫齋文集 卷十二 九

曠典請從祀者六人奉

旨取書進呈未經棗梨遲今

未復立

朝諸大僚冀得夫子之書寢食焉甚於吾黨

之饑渴第集餘萬紙計目二十四種費溢千金子孫世稟
清風餘澤有心無力與有力無心者等似天實慎重斯文
特遲之以授先生者世閒光大事非光大之人不勝任德
必有鄰聲同則應知不哂而吐之已鳩竣梓人恭陳

御覽會題從祀繼往開來則夫子不朽夫子之書不朽而
表章夫子之書之人與之俱不朽豈非尼山之哲嗣堯舜
之功臣矣哉至若垣墉書院與紫陽白鹿並煥丹青使先
聖輯藏書之府後賢登鼓瑟之堂是又於集成後盼之先

生者報切未同情深望蜀臨鴻齋盥曷任禱馳

此最盛舉文特婉曲盡情使姚制臺有不得不仔肩之勢但不知劉夫子地下之心何如耳

壽長兄開之八旬初度

父母生我兄弟三人聲與弟讀父書雨楚燈寒燭燼矣聲猶金石今頂毛將雪勤勤焉手不卷遺蓋書以爲田不耨則菜色形於腹慮以歲稔餒也兄髫年病病與書違讀不卒故繡口之功多遜焉而素履皆詩書克以躬行師孔孟孝友節義斐然鄒魯之曾顏矣憶父疾大漸醫禱百不靈兄黑顛桑林泣飲顛崩血刲股仆地羹以進家人蔑聞也

謙齋文集

卷十二

十

父賢書十載不忝孝廉沒之日圖書數卷而已兄命我兩弟敦學務時敏一聲讀一聲悲寢食書中以全孝道朝夕事母口問母耳聞米鹽醯醬凡一身盡瘁而瑣理之朔望歸省坐老母於上室人環側肅禮後必誡以勿聽婦人言此齊魯懼嫌萌妯娌貳我兄弟歡也越八載食指繁家日落且頻行自適以爲不知者千載之下亦當思其人歲不登錢干之五糞米僅以斗力不支矣語異爨兒洒淚捫兩人舌以手封其耳而卻走因陰與弟裁曰兄窘憊甚三子中存一能粒食者享豐潔以妥先靈無以我兩人累令同瘠於旣也私治飯具屆期乃聞時二親之玉未土襯停於園之畱軒兄以不能爲人兄不可以爲人子攜我兩

人大號於父母之膝下者三晝夜石田數畝短屋數椽相讓勿析也嗣後聲有秋於及門之粟瓶以不屢澀而羞弟嗜古不耐治生暑雨祁寒兄仍代之謀也齋宿祝天惟日盼我兩人梯青雲而上之光依星漢馥前人遺卷之香不謂關門失鑰北馬南嘶片錦河山忽焉冰裂兄遂其扶老母歌泌水而臥龍邱青笠蒙頭綠篔簹蔽體溪花侶影猿鶴朋音釜珠黍以晨簞斧桂柯而夕火母子兄弟鳴豫天倫趾之所旅卽桃源也詎潢池兵弄地滿鋒弦遂以小隱隱山林者大隱隱城郭而兄半生辛積儉無選鑿裘不充虜卒瘡拮据以餘此寸銖者盡盜糧而寇橐安得不室如罄

謙齋文集 卷十二

五

囊如洗哉而兄輒怡然曰不寒不成儒我恨不儒今幸以寒相附矣漸老病魔脫也年大情景處真覺精神搖光相齡不福於遐爾同黃草爰締高懷韻秀席煖多英沈水浮烟芽烹新汲水歌長嘯琴瑟烏烏愁人度日如年兄腸迴百結而借影宣歡度年如日曾幾何時而白駒飄忽竿已投於渭水之濱矣僉曰此扶杖於朝者也乃嚙鏤鐵而齒不搖髮青青如虬松之雨沐天殆不以槿榮之富貴醉夢吾兄特厄此琥珀紅之秬鬯洗腆此不老之碩人乎蓋上帝難諶惟孝友節義是寶今徐子孝友業彤管宮牆壽之儒史鐘鼓尼山矣而履變來悄悄心憂盟衾屋漏三十年端服縉冠從不逐媚於時英之

耳目并不吐清夜於達人耆彥之前冰蘖幽傷不欲市都
人士之譽聞者鬼神嗾之我三人真一父之子也聲後於
兄千日有奇弟倍之皆老人也然每飯必三四巡騰千仞
之巔脛不躓抗音談古今忠孝事宵達曙而氣益張邑之
人爭齒之天或不涼視茲一門乎益夙夜怵焉已

真情刺骨讀之無限淒緊無限光華一家兄弟如此門
惡有不大者乎弟可以預卜矣○妙在無一字不真而
文特婉轉深秀誦之琅琅可聽

題統元道人募卷

余校字之書叟也左傳經之世帙右課子之新篇趾不及
謙齋文集

卷十二

三

郊門外耳目束於垣無數百千里之周廣四方英卓辱舟
車者多雅不余遐而余則晝掩桑樞不敢遠爲倒屣故道
楷若統元楊先生者面則不謀名亦不甚耳庚申冬始之
既生魄偶於鵬天書舍揖之見銀其髯如列戟嬰其姿而
雪披其頂雲霞其意氣金壁其肺腸吐音夏秋夜之鏞振琢可新穎
武躡騰厓之豹余不禁息之屏而儀於心曰此不復老之
人豪非道人也噫今道人矣是真道人也話移晷示諸各
賢募卷丐余爲貂之續夫道人倚天爲廬日月爲甕牖地
而席焉可也坐而露焉可也靜不於室而於心胡片瓦之
懷安而根椽之足選道人曰否否仙人履虛蹈空者也然

字必以玉而鋪必以金故島亦名瑤而所樹皆珠翡老黃
冠之於道洋而望也脫僅巢之一笏而塵蹤複影俗子繁
咻何異颿風裂其肌淫雨沈而臥精之搖矣尚何氣之煉
而神之歸茲者山阿授榻清隱地偏鳥渡閒以嘸紅月移
花而馥案煮坎鑰秋冬之戶填離煦春夏之扉道人^{雲門深語}之體
康矣而道人之顏未霽曰吾於穀尚未辟也膝雖容而焚
香內息晝夜輓轡服氣之餘必資外養而乃夕烟不菽晨
甌蟻封何能石髓爲糜松筠是哺儻跌坐之餘生以腹之
枵焉而死人將謂蒲團之不能以耐老也可若何不知學
道之人^{不朽語}重生死得道之人齊生死化道之人能主張乎生

謙齋文集

卷十二

三

死生花之榮也死電之掣也何脩何短何寄何歸則一孟
之粒曷爲而必於人也干乃道人欲以不輕其死者^{此真捩樞}生實
欲以不虛其生者^{要之論惟深於其道者能言之}死更欲以不猶人之死者死遂欲以不
猶人之不死者生則一孟之粒又曷爲而不於人也告夫
人未有不重道者重道必將求道求道必先護道彼紅其
粟而朽其貫者人之有餘正以補天之不足又曷爲不鴻
毛此一孟而顧泰山茲一粒

黃老其學徐庾其章瑰邁駢麗傑然峙於天地間

峴山稿敘

代潛菴湯太史作

今夫士桑樞戢影鷄鳴一卷風雨伊唔遐瞻丹陛神企金

門真巍巍在天表一旦翔步青雲之上霄漢躬依釋儒生
之褐近天子之光自此而鹽梅舟楫繡鞏河山生則功宗
死則廟食寧非士君子之心盟讀聖賢之宏願哉而原其
筮仕之階必以墨汁生香介帖括爲梯榮之羔雁是文章
會合上帝臨之丹黃點次鬼矚其旁者也余欽承簡命拜
詔求賢夙夜春冰單車兩浙此鴻才之淵藪十五國文人
之所宗也必焚林竭澤盡沽貴美之琳琅爲盛朝得

士慶闡中滴露五彩烟浮多寶之邦慰忻寤寐一日得駱
子公羊卷其理程朱也其法先正也其選句則庸調之全
刪也書云省括於度則釋揣摩工巧允足爲操觚者的矣

謙齋文集

卷十二

十四

顧此風簷之片錦也園名金谷必萬卉而千花比閱其峴
山制義玉潤山輝珠明水秀灼其葩於春沐之鮮晶其魄
於秋蟾之燦以吾子鏤心之今日還憶我搦管之當年予
芥而針予乳而水洵哉文章一氣千里一堂者也雖然大
丈夫挺身天地父生母育師友琢磨寧第以緋衣紫綬揚
名顯親亦欲以內聖功而外雄略者駕時位一吐胸中之
奇下可表有裨於生靈上可告無罪於君父使千秋青汗
景有某某其人耳茲者 聲教敷天車書一統滇水之
鯨鯢已靖閩疆之瀚渤不波信可牛放桃林馬歸華麓銷
兵垂拱觴進萬年而何以逋誅伏莽不賣刀而買犢尚有

慨借題以抒悲憤此賈太傅之所痛哭流涕者也
鷹睨之赤子兵弄潢池一夫不粒維予之饑米粟金錢賑
捐百萬而何以旱魃水蟲三荒洊虐正多西北之溝中不
少東南之僵瘠中國之大患二一曰邊警一曰河災今邊
羽不馳而河功難竣心膂大臣日督民夫數千河干寢食
又何以隄旋築而隨圯三十餘年填波臣之內帑積可京
山而績用勿成怒濤方嚙貪穢官刑功令赫矣豈無血性
豈昧四知又何以墨吏之露章時勤大吏官不貪則民不
盜層林之宵聚暮夜賞之也以簠簋之不飭致姦宄之公
行近畿且然於郡縣乎曷禁凡此可慮之多端盡皆臣子
之罪責是必殫心經濟真切講求確有嘉猷足資宸

謙齋文集

卷十二

五

算異日廁班黃屋之前對揚

清問卽以養成學術著

爲事功昔范文正公云作秀才時便以天下爲己任正謂
此也若詡詡以佳篇名世楮滿霞光雕蟲技耳豈不佞玉
汝於成至意况子係纘亭武懿兩先生之孫曾也理學氣
節明史於昭嘗展萬一樓集冢濂洛而支姚江眞儒也對
仗讀彈文怒觸江陵芳名譴謫椒山氏之流亞也世駿有
聲與崛起之單寒不等尚其敬武前徽用宏茲賁家爲賢
允嗣國爲良股肱余亦何止以菁華之筆墨爲吾子榮還
以絕大之文章爲吾子勗

此文痛言時弊而無一語及救弊之策非無策也不得

言亦不肯言也然文中隱見出沒雖鎔鑄六朝而明露
賈生陳政事之色

明太祖平定天下紀略敘

用兵取天下湯武始之也以不得比隆堯舜故慙德一言
不敢爲天下萬世諱然湯武聖人也有弋天下之事無富
天下之心後儒解之曰順人應天則雖有征伐而非戰爭
是以兵不血刃與匹夫匹婦共棄獨夫而萬國諸侯皆玉
帛止三監倡叛鞭弭再勤而滅國五十未聞有抗顏行者
自漢以後則戰爭而非征伐矣戰則有勝負欲勝而無負
貴在選將練兵爭則有得失欲得而無失貴在定謀立本
謙齋文集 卷十二 美

蓋草昧之初羣雄角力竊壤僭尊兵聯百萬粟支十年事

後有王與賊之分其始皆英雄也不知英雄之名惟眞王

足以當之英有遠過乎人之明明而能斷雄有大異乎人

之勇王勇而能仁故同在尺土之中起兵之日一出口而知

其義之正與不正一舉足而知其功之成與不成蓋帝王

自有規模自有智量肇基一隅之地而漸內全局盡在掌

中故有人之所取而我反與之人之所急而我姑緩之人

兵力之所未周而我故縱之人計謀之所偶疎而我亟乘

之我之所趨人之所備而我以趨之者嘗之以不趨者縱

之而仍以趨之者制之大概以虛實二字了七書之旨以

聲擊一字該握機之全而總之不外奇正分合四字能奇

始能正而奇即在正中此所謂陣開容陣隊開容隊曲開能分始能合而合已在分中能分

合始能奇正而奇正正在分容曲入門六花武侯瀟公之秘盡傳中故有天下之大分合有

中分之小分合有一隅意外之分合有一陣意中之分合

分者所以為奇合者所以為正至廣大而盡精微武夫不

足與之言書生益不必與之言也漢迄我明治天下之大

政各有不同其取天下之大局應無或異第唐則兵起晉

陽宋自陳橋受禪皆世為大將躬握重權以現存之餉用

慣戰之兵其席捲天下也易若手提尺劍徒步出門列戎

行而為天子三代以後二千年來止漢高與太祖兩人此

謙齋文集 卷十二 七

真崛起之英雄也然為漢高易而為太祖難蓋漢乘始皇

銷兵之後四解之內家無寸鐵故陳勝吳廣書稱揭竿與

之逐鹿者止重瞳子一人耳自關中先入傳檄三齊垓下

倒戈敷天正朔五年而成帝業古今未有如此之易者若

太祖則中原較易北都尤易而東南最難蓋東南一片土

稱帝者二稱王者一地皆千有餘里兵皆百十餘萬而我

僅以二十四人甫從之豪傑七百餘新募之民兵振臂一

呼芟除羣醜傳之後世必以為不如無書者况有萬難自

全之勢大危凡二脫脫元之宿將也素擅能兵控弦數萬

下徐州定高郵濠將不守此方張之威也太祖起在臥榻

黑子一城城下鞭鳴脆如卵壓甫從之將新募之兵卽人盡鐵山亦一不敵百危乎不危乎厥後鄱陽之戰友諒統六十萬衆空國而來舳艫百里旌旗蔽天太祖料兵止三之一亦盡銳以搗之使士誠少有大志悉三吳精甲坐利漁人分兵犯常州又犯江陰又犯長興三路皆不實戰以綴其援而以大軍潛遊京口疾抵金陵雖徐中山回守金陵兵僅以數千計大軍不回則根本將搖欲回則友諒躡其後腹背受敵左右莫支進退失據危乎不危乎乃脫脫既如礮噴而士誠復坐大穴中士誠坐大穴中說得草竊無能可笑遂使桀寇陣殲蠢戎手縛

江楚閩粵漸次版圖王者之興雖云人事豈非天命哉雖

謙齋文集

卷十二

天

然人非天則功不成天非人則事不立蓋爭雄之勢勢難兩存猶入戰之兵兵無兩勝設人事不臧而遂謂帝之予顧天豈真能授之手而控之行惟太祖身自爲將以戎衣抵堅陣之衝故徐常以下諸大帥皆奉令先登以必死効必生之力無日不用兵兵有百勝而強無地不用兵兵以愈強而勝天戈所指池不湯淵而城非金局所謂天定勝人人人定亦能勝天者也漢唐宋之創業者亦勝天其加兵豈無節次第世遠言湮新朝纂勝國之遺編十存三四非大政事不書非大克敵不書自都會名城外大郡尚闕而不詳州邑概刪而勿輯惟我明躬逢當代筆之實錄僻小

皆登故年可紀月可紀日可紀自至正十四年七月始始於定遠繼而和陽自此而一郡自此而一路自此而江以南自此而河以北自此而中華自此而沙漠屈指而數燦若日星所可異者東南半壁勤王師者十有四春而中土山左以暨北平歷奏膚功不逾朞月豈英略之難周胡壺漿之徐速蓋草創紛紜互相雄長地或旋得而旋失人亦暮楚而朝秦至數節之後迎刃而解豪傑盡稽天而景從父老自香盆之恐後故或數月而克一城或一月而克數城易之故無不燦然胸中燦然筆下未復歸到聖子神孫焉取織業疆土無限甚悽後之經濟大儒展卷了了曰帝王之平定天下其節目次

謙齋文集

卷十二

无

第各有規畫若此又合後之聖子神孫展卷了了曰祖宗之平定天下其蘄風沐雨枕甲臥戈不遑暇食席不少煖締造之艱難若此則今茲繡錯之河山一尺一寸皆於刃鋒下焚心裏血而得之業爲前人之後昆焉敢纖棄前人之疆土則是書不獨表章開國武功卽爲垂訓守成家法寧曰古來無此信史僅爲編年序事之書而已哉

深於兵家方圓奇正離合變化諸說而以太祖當日擘畫超出天下者遙相印正縱橫上下騁所欲言格旣宏闊識復高朗堅義堅而愈精布局方而不板真千錘百鍊之文而風骨又極高峻最上乘也蓋此文作於崇禎

之末正流賊內訌之時讀至終篇言言垂涕

兵古敘

國朝自俞戚二將軍後將不知兵兵不知戰貪弱成風誤君誤國東羽宵馳流氛四檄諸臣進觴化日之時識者已深履霜之恐矣余幼負大志不瑣瑣以文章科目自小舞鷄鳴而懷擊楫天性然也故喜讀太公黃右諸書冬以爲裘夏以爲葛續膏剪燭沈酣二十年所甲申後數天負罪同學少年多以雪月拈題溪花琢句盡才情於詩古文辭用丐不朽余獨擲筆而起曰長鎗大劍安用毛錐丈夫當讀如此矣聖賢書作英雄事世治則爲名相補天子之袞而予世以

謙齋文集

卷十二

三

清寧世亂則爲名將提水溺火焚之赤子衣被之而飲食之舉世方以速死爲禱祠我出而使之知有生人之樂爲天地補功爲匹夫匹婦吐氣爲歷代帝王定統爲一世呼睡夢爲萬古正人心功莫大於是亦莫有急於是者此之謂眞學問眞事功眞不朽文章華國黼黻太平事也爰是殫心稽討博古參今謬成兵古兵今二種兵今韜鈴家喫飯穿衣晝起夜眠之實用也自粗暨精有條有目當下便可施行第稿雖就而書未成恐洩天地殺機授好亂者刃人之具也其兵古則於歷代史書輯開闢來帝王將相凡師行以律動合機宜可爲後人師者勒成一書每一朝必

先君而後臣尊體統也每一人必繇前以迄後該始末也合於法者無微不錄不合於法雖大亦刪故史冊中有極大佳篇父以是傳之子師以是傳之弟爲博士家坐臥焉讀破口而不能釋諸手者章法句法曲折精工斯人之心膽須眉灼灼如見豈非照古明珠式今良玉而於選將練兵安營列陣之法闕焉不詳此方見是書有實用取所必資概舍而不輯蓋武事之書專求實用有實用則一句一字盡是戎兵令後之有志天下者展卷豁如某朝之君若此某朝之臣若此某某之作用印板於某某若此某某之新裁變化於某某若此時異而道無不同事殊而

謙齋文集

卷十二

三

統無不合于八一人也百代一代也以仁義爲根本以孫吳爲高曾以天時地利爲津梁而尤必以人事爲菽帛足見兵古變通不泥於古而靡不因古義而通之或卽古義而反之通之者無方之妙兵今又皆何如惜其秘而不顯示人也古也反之者究亦不叛乎古也顏曰兵古而古人之法備矣今人之法亦因之而備矣從來創興大業其規模遠大歷數靈長壽子子孫孫於勿替固聖天子開基之盛德亦賢將帥神武之鴻功所以定鼎大將每朝不過一二人必帝簡之大儒爲之有學術而後有事業有王佐而始開太平功著旂常光流日月百姓曰元戎也我之父母朝廷曰爪牙也朕之腹心豈非淵通博達古法爛熟於胸中一旦

舉之版牘之下登之帝座之前者乎否則不爛古法之人
目不諳古何有乎通今卽一節成功偶與古合然其成功
偶也偶幸也幸其可以垂訓乎哉請質之天下後世之真
能用兵者

兵難事也何言之易若此惟寢食於斯者久故不覺從
容言之而無不悉軌於法也兵古兵今雖不盡見自當
與六韜三畧武侯衛公之書並垂不朽

題丁東阜先生身後芳名卷

竊聞爲臣死忠不死則忠不烈爲子死孝不死則孝不光
死在一時生在奕世天以生之者死之正欲以其死之者

謙齋文集

卷十二

三

生之也唐至德二年尹子奇寇睢陽張巡就許遠其守日
十數戰援絕矢盡烹妾掘鼠髮夜霜嚼齒盡落將士餒
僵不能起立城陷罵賊死死之後三日而救至七日而東
京復先儒褒誦謂天正以全節付斯人也否則守自二月
迄十月爲日二百有七旬日已云曠姑寬三日則城全而
巡不死巡不死不過一力保孤城之賢將耳安能照耀史
冊振古流聲若是之赫赫哉東阜先生齒臂羹親染毫請
代愀然於父之不生欣然於己之得死然不遽死之也天
欲以代父之死四字榮其名於來禩故無病而病一如其
父之病以示求死而死適如其父之死求仁得仁天亦以

全節付先生者哉

聲

系出節婦每於忠孝遺編必百泥首

而後讀茲傳記几席生香爰張燈危坐不嫌辭醜奮筆

揚休忽燈下見一人儒冠楚楚潔潔志戚顏手血淚之箋

神哀籲以頭觸地必冀神之我俞神亦起而矜禮手若授

而口若聲首俯焉一似如其所請者

聲

瞪目視之則先生

也先生之與神相告語也先生死於百年之前而今乃音

容見於

聲

之筆下則凡前賢懿好之珠玉一珠一先生一

玉一先生矣先生死乎哉則爲子死孝不與睢陽之爲臣

死忠者同壽不朽哉

使東阜先生當日不籲神請代則生雖上壽今死久矣

何能使州黨後學人知先生哉况於四海之大千百禩

之久乎天固將死先生者壽先生而實先生之自爲也

文特挽殊尤絕跡之張睢陽作配使知忠孝並傳燐燐

炳炳有裨世教

贈何漢又武泮

蕭然城掛兩山山俯城坐肩脊石纍纍如堆甲其容怒故

人性剛而易憤忠勇之氣無間旄倪然地斥鹵而瘠貴不

富儉不華奢故壘堙爲巖阿洗流成沼瓊臺珍樹雕其牆

席地如錦茵者百里之內無一焉城東北隅有樓桀然以

梅遠樓以池遠梅復以梅遠池梅百餘本雜以松桂荷橋

謙齋文集

卷十二

三

竹路水清清三面圍顏其堂曰梅花樓何氏之別業也都
人士雅遊覽者憩之歲癸未余與主人伯興讀書其中月
潔花明文情忻悅時伯興方壯讀書暇輒侈口談天下事
橫目厲顏色手七書問難矯矯作澄清攬轡思余笑曰而
臂無縛鷄白面書生體盈把江南無用武之地尊相非封
侯之骨請勿言伯興噤而艱愠余之不以武功許也明年
甲申慘三月十九之變天地裂矣日月失明山川易位余
哭於夫子之廟焚棄筆墨伯興遂戎服登舟二十年來刪
李杜之葩飽孫吳之粒擊楫聞鷄宵衣假寐其長君漢又
紹聞衣德言克蹤父志不瑣瑣以章句自腐張弧立馬意
謙齋文集

卷十二

三

在四方其文弱絕類乃翁而雄心若或過之者洋洋泮水
其發軔也大丈夫七尺昂藏當上問之天下卜之人內謀
諸身外度諸世世治則爲宰相君堯舜而民唐虞世亂則
爲大將拯民生於烈火還天地以清寧今天下晏如矣然
海疆尚波西郵方檄潢池赤子盜兵而弄者鷹睨其眼太
平進觴之時正年少請纓之日漢又其趨庭者乃翁將螯
起春雷盍鞭弭從其後

黃河之曲旣千里則原公洞渦雖稚水蒙流望之亦無
不閒敞

翁奇先五旬初度

人有一日而百年者曰意氣雲霞有百年而一日者曰肝腸鐵石二者皆人豪余禱祀求之第雲霞有時變現而鐵石則水不濡火不燥凍不添寒炎寧畏暑歷人閒奇風怪雨苦雪嚴冰而骨益堅氣益壯金紫披焉而不榮珠貝盈前而不顧白晝可以告天地黑夜可以對鬼神則吾友奇先其人矣奇先幼失怙恃學書不售學劍弱冠感憤曠覽大江南北從遊皆英英偉才大概雲蒸霞蔚士也比見與壬李先生乃心折焉曰當世有如此端人如此正學不遇幾虛度此生齋沐升堂師事之與王雅重焉因圖畫一鐵石人爲余告隨介見下榻二十餘年矣二十年閒見其身

謙齋文集

卷十二

五

不温寸帛口不飲重甘介不登人半縷而於人之賦無衣者輒爲之解衣嗟無食者亟爲之推食不樂人之樂惟憂人之憂孤寄高鸞愛秋實不喜春花寧吞霜不欣醉月嫉惡過嚴多否少可余亦樂得聞過時規箴言至其弔形子室寒火殘膏劍擊鷄鳴書翻漏永痕垂枕上溼染青衫鬼暈之影衾悉之而余則心隱之始鐵與其質石與偕情者乎噫嘻余老矣七百二句之前余已杖扶於國而奇先亦觴百歲之五志與時違玉蘊而山不呈輝珠沈而波無五色天將以貧賤終其身乎雖然從來有負天之人無負人之天寡廉恥者天所絕蹶半途者天所羞百年而一日者

天實斂容而珍護焉鑿蒙頭之飲藁定大笑以出門余雖
老而顛無二毛尚神翔於磻釣子方剛而形已入夢自像
人肖乎商巖行見四絲六馬爛其盈門請馳驟駢以行佇拂
得鼎鍾以俟

末方最妙非天不負人實人定勝天也至其文之磊落
精撰如以淡筆灑濃墨但見烟雲滿眼

越永興王孝子萬里負骸記

世之稱堅者曰鐵石稱壽者曰河山然鐵有時蝕石有時
灰山有時崩河有時竭故珠玉不崇朝金紫不終日而獨
有人焉以渺渺之軀先開闢生後混沌死齊天地而光日

謙齋文集

卷十二

五

月則忠臣孝子義夫節婦而已四者之中忠孝爲首而忠
臣代不乏人孝子百餘年不一二見則孝之尤難可知已
今於我蕭見之孝子姓王名躍字伯儀世居西陵甲戌王
泰徵之曾孫也其外祖大迪黃公以明經丞粵西慶遠之
宜山攜孝子之父母偕任乙酉後亂分異國路阻音沈客
有閒道來者傳不吉之信甚確且闔門孝子慟不欲生恨
不翅展而西然干戈累歲鋒刃下安得途有旅蹤爰盼日
如年見人之有父母者卽淚盡繼之以血追粵西底定孝
子可以行矣有惜之者曰而家無儲粒衣糧敝澀如路長
何孝子曰我今不復飾儒生矣手擎笠肩負囊足纏芒履

有影伴形形豈云隻此行得見我父母遺骸乞食言旋亦
吾大願否則號於慶遠之原人不應呼山川山川不應呼
天天不應呼鬼力盡則投厓以死生不得見父母之遺骸
死亦得依父母之朽骨弱妻幼子聽其存活我無能顧戀
爲也於是哭之家廟哭之先塋辭宗戚姻朋於癸卯五月
戊寅子走武林之江潯貫棹龍游庚辰泊桐廬以風雨山
移江天如墨浪罩於船數尺水暴漲碍難行也天或以之
驚孝子出門數武行路之艱若此哉而孝子神已馳慶遠
矣身先與父母俱矣鼓浪進自嚴陵棹蘭溪水益隘下奔
如飛矢力棹不能上以寸舟之人咸跣登荷纜而前倍日
謙齋文集

卷十二

七

抵三衢繇常逾玉前此爲浙東過此則江右矣越十八日
廣信進行浮鄱陽湖此明高帝與陳友諒爭雄處也帆檣
樓櫓鼓鉦動地旌旗蓋天戈戟之聲錚錚在耳今何如哉
又四日六月己亥至峽江縣自辰迄未風惡碎鄰舟孝子
舟無恙次辰腹痛幾絕怯體風爲仇也又四日自允陽至
潞江二百三十里耳行六日以所行皆灘河也小十八灘
最險麻石二灘尤甚水夾山而成勢勢遂湧湧則怒怒則
不敢觸故緩行以驕之明日出灘至劣子樹此豫楚分疆
矣下水倏疾樹影電移日行數百里繇後行之速視前此
之稽則險夷順逆之分也江右舟行止此易舟行九十里

至茶陵水疾不四日抵衡州此北兵與西南兵大戰之區也漏四鼓聲戰砲束衣械晨星猶燦各整隊進辨色接刃箭砲後塵烟障空惟聞刀砍刀聲繼聞刀砍人聲聚十餘萬健兒殊死鬪向暝北兵卻旋整萬騎乘夜襲西南兵驕不設備酣飲解甲卧城不鑰僵而受刃者尸如山敗走數十里退保南寧兵之不戒若此哉戒者已勝如始戰將胸中不識一戒字故大勝而大敗至此又六日至祁陽隔岸山一石鏡照徹城郭舟在鏡中舟中人盡鏡中行自此鮮村落或一村數家或數十家數人荒涼慘目又三日至大江口洋洋大觀水天一色越日過豬頭寨名以形命有石

倒縣孝子遠猶顧之又三日至全州此七月朔也入粵西界又四日至興安居民點點如曉星而斗河則奇出意外言之有難信者非河也溪也溪通州故曰河河曲小故曰斗斗有三十六半自山之麓至顛半自山之顛至麓山名馬頭頂有分水龍神廟一西流一東流餘斗稍寬惟興安十里外淺而窄止容一舟設一舟自上而下一舟自下而上必移一舟於寬斗一舟始行而余乃知天地之大真無奇不備矣水無有不下性也乃水盤折於山之顛舟亦盤折於山之顛歷一斗一斗而上上之水何以不下而洄又問顛水從何發源乎余悟矣山之水人身之血也血之自

頂至踵復自踵至頂氣周流血亦因之以周流此天地自然之數也猶之蜀江下奔如竹箭而發源於岷山之陽者流萬古不已源亦萬古不已源又從何源乎易言之矣山澤通氣此之謂矣又二日抵會城曩爲西南所弋旋得旋失兵繹於途人避兵倍於避虎皆匿影空山城不烟火後稍稍歸業齒凋矣十年生聚庶有起色乎至是孝子億甚日啜水粥一盂羈旬有一日力疾繇陸之大灣前此無編戶尹勅吏榜招之吏三受虎咽向桑麻之區今豺狼之宅矣次又繇水至洛容眺之疑爲竹嶼何以不綠而黃近城知其爲茅茅翹於城之堞人接武茅中離數武卽不之見

謙齋文集

卷十二

五

乃復繇陸之柳州州無旅館知商賈之足裹矣奔宿雷廟廟有僧而無四壁向暝有數騎軒軒來則靖南內司羅孔雀於茲者孝子不知所避告以情頗憐重之頃鎮將饋羞醴拉孝子飡曰此去慶遠百五十里路險仄人多異種草菅殺人而書生也慎之慎之孝子感謝贈以詩凌晨自北而南賁木槽船獨木鏤空者水衝而下船鬪而上上一尺隨下一尺舟子力排之竟日無侶行者晚泊崩崖下援聲鸚鵡聲風搏竹木聲水激石聲雜噪於耳露如雨蚊如雷沾衣宵坐翌日進柳城寓方吉士家連日稍安然去途可畏非結侶不行也俟五日倚伴登舟難高水猛篙櫓無

所施用鐵鈎鈎石縫而上兩鈎互易使鐵鈎脫手舟與人俱碎并不知碎在何所矣行三日計程六十里至三汊洲自洛容進發爲七月乙酉迄此不二百里而遙己爲八月丙申朔途亦有所遇遇皆手刀人冬夏以布裹頭音響莫辨孝子見而惴問操舟者曰此獠獍也知孝子異鄉人手指畫若訊問狀孝子禮答之答亦不解拍掌復笑笑而譁孝子亦不解也又一日至大槽五十里至慶遠曰此非二十年魂夢不忘之慶遠哉今至此幸矣但此五十里內峽斜峻阻左有數百丈之瀑布下有數千仞之澄淵過一大溪溪中石俱凌空人從凌空石上行石之旁淺者盈脛深則二尋許潔綠如柳汁水搖足足戰募土人掖之裸而過郡中民一而兵十草屋數百家外此則官宰若而輩胥徒若而人而已又三日至德勝鎮此昔日宜山治正孝子外大父服官處也記其月爲八月記其日爲壬寅寓大觀寺沐膚上塵沙以寸麻衣袒括髮若初喪狀三步拜拜而號號於鎮城隍之神情辭慘切摩肩而觀者踵路憐者有之嘆羨者有之華髮人泣下者有之嫗與嫗附耳而言翁與翁俯頤而憶其傷感人若此神者人也人之心卽神之心當亦拱手戚顏不忍坐孝子拜矣是夜孝子庭立不室寢主僧餉以粒孝子辭水漿不入口曰見吾父母父母命兒

食方下咽也鷄初鳴整歛具味爽蹶東關僉傳旅櫬停此矣夫關外之山非咫尺也虬松怪石豐草黃埃古塚新封百千若髻以爲孝子之父母孰辨以爲非孝子之父母又孰辨以爲孝子之父母必在於此孰知以爲必不在於此又孰知上而下後而前左復右仰天長號大聲呼父母父母必應否則山中之朽骨有靈亦必裂三尺之土吐音相告而乃有人焉自山側徐徐來叩之卽葬孝子四靈之人也楊姓號子起居鎮西今避兵玉樓他事經此具言生前及死時事甚悉信之啟塚先得孝子之外大父繼得孝子之父母向有標記歲久湮之已其外大母死較後葬玉

謙齋文集

卷十二

聖

稷去子起家不百步燈可燭踰山而南啟得之四靈聚矣孝子位外大父母於上位父母於旁哭陳三十年離膝下生不養死不葬之大罪千死萬不足贖又訴家中亂離兵火及生存死亡事如家人遠出始歸喃喃作對面語因起而坐子起崩角孝子謝又崩角代先靈謝裂內衣裹四靈歸噫子起何人乎子起何來乎意哭廟時環堵觀者遠近互傳子起有意來乎抑神之靈夢若呼之行若翬之故不東不西不早不暮適遇合於此乎天也天憫鑒孝子欲成全孝子故此地殘殺有年饑殍有年疾疫有年不令子起死而令子起生今且令子起告孝子不獨感人真格天矣

是日丙午回慶遠無舟上懷遠鎮附行丙辰至柳州易船
船以內隙地也舟子傳食孝子敬奉四靈菜羹豆粥必祭
若朝夕奠畢然後孝子飯夜則抱四靈以卧至九月戊辰
舍舟而陸抵會城城之東渡河爲七星厓厓有石洞深三
四里西入東出黑不見掌燭之始行內有仙人網仙人梯
仙人田白獅金駝文犀丹鳳及癩子蕩果子山等勝跡多
不盡數絕大奇觀也孝子性曠達每讀書暇雅好登臨前
以哀情寸緘雖仙樂鳴空千花照眼亦目不忍睹耳不忍
聞至是乃游覽焉時有尊官粵西者耳孝子名遂欲慕孝
子孝子曰余寒士也下陳蕃之榻不百十乎書傭然躬負
四靈何敢少稽時日日千金不我易也遂戒行或穿舊徑
或陟新途水陸閒關與去蹤無異第去則陸易而水艱歸
則陸艱而水易蓋上遊勢順帆影星移去楫之遲皆其回
槁之疾也爰於甲辰五月己丑旋家非孝子旋家也二十
年前之父母別祖宗暨伯叔兄弟而往今始得返故廬見
吾骨肉死雖隔世親愛猶生父母之恫何如乎恫而欣慰
何如乎於是集母黨歸外大父母於黃之嗣孫隨禮葬父
母於祖塋之次自癸卯五月迄此共十有三月計三百七
十七日歷四省十四郡四十八州縣數百關津市鎮數千
村落往還一萬五千里受不盡暑雨祁寒山高水闊豺虎

之穴盜賊之區而負骸之役始竣余乃蒲伏百拜執孝子而言曰子今可以爲人子矣負骸子職也然使但負二親而外大父母仍拋異域父母之心必不安今循子職而并爲死母全孝道事可傳矣備詢首末淚不答不欲人知也固詢之始詳述所經狀余強記登之筆登之筆非孝子志也然不登之筆又豈余之志哉余節婦裔孫也每讀古忠孝節義書如臣覲君如子見父肅燕居之煦容恒整冠而屏息矧親覲書中人忍令湮沒爰焚香滌硯伸紙疾書晝不足續以燭時漏沈四鼓矣

壽王自牧

謙齋文集

卷十二

聖

自牧世於詩者也而尤家於杜飲食寢處於杜裁少陵之全錦而寸絲之甫韻鸞鏘旋班豹蔚使少陵甦千載復生之骨鏤心憑几句選而守商之花前剝啄馬上推敲當亦嘻其笑笑三舍之迴蹠矣故少陵以詩壽而壽少陵之詩者詩少陵絕不似少陵又未始非少陵而乃以少陵之詩壽則少陵詩自牧之詩於開元天寶間非自牧而詩少陵者不曰譜少陵直曰譜自牧可矣雖然少陵詩千古而遺大投艱不印自恤少陵或多遜焉蓋文章經濟古今止此兩大事天每銖黍蓄之不欲富之一人而獨不於自牧焉

新則自牧於文章外又較出少陵一頭地天愛蒼生胡鹿

鹿明終

門安石爲也

隱安石不終隱並稱亦可商

徽兄文大約鑄六朝之俊麗句琢字鍊而此文中一段獨清折似入大家

贈諸全駱璋彥

撰語上絕

交有遲吾謀面而芝顏瑞質皎若覲承則以所交之人意之也余自甲辰交幼重晨夕二千七百有奇手足忘年誼深同父則凡其伯叔昆季幼子童孫皆余之比椽而處其簋而餐者也因知其猶子璋彥生同辰長同學其母氏貞而周於德慈以代嚴璋彥稟母訓無纖忤聲金步玉矩不寸移洵珪璧君子也余於幼重有遠期卽以期幼重者期謙齋文集

卷十二

四

璋彥蓋天心厭亂麟鳳出而聖人生磨洗將曙之乾坤必借手於嶽鍾之英士士而英不爲投觚之介子則爲棄繻之終軍大丈夫志潔雲霞舉足千里蒼生慰望帝意靈承當與馮鄧聯車以年少而壽南陽之鼎視宵晤晨卷生涯於博士家者所獵之功名亦銖寸今三十年方壯妻兒斗室迴影爲羞誓必盡吐胸中之學大笑出門升車遐覽蓋已劍橫東解之濱馳志伊吾之北矣

文雅而腴字字鍊字字見卓犖之概

壽蔡大敬

起得突兀

當世有人高坐百尺樓擁書萬卷朝不精夕不精古人菽

粟焉冬不衣夏不衣古人裘葛焉檄秦漢以下作者展卷如始戰與之爲勝負繼乃爲朋友之樂樂甚遂不覺父子之親情愛寢處五十年所使吐其所讀之書層次積之寧不蟻視邱陵齊身恆岱是以藻思綺管燦燦雲霞腕生蘭桂寸珠尺玉席爲世珍他日天子手下徵書宰相虛公得士素絲紕之文茵韞之禮之丹陛之前坐而論道鹽梅霖雨必將三代於百姓二帝於朝廷人曰此誰氏之子也是則吾友大敬蔡子也大敬更名仲光光漢子陵也伯仲子陵何如人矣昔陶元亮初名淵明後更潛考所更年次不在晉之元熙而在宋之永初使元熙而不永初淵明亦不

謙齋文集

卷十二

望

潛矣魚潛於淵人不得而餌之晉宋之間明固不若潛之爲正也嗟乎士君子處不可自明之時止有貧賤潛身之法使後人論世而泰山景之者曰某於時何其貧也貧則富矣當與天下之隱君子式之於時何其賤也賤則貴矣貧賤在一時而富貴在千古志士仁人重視夫千古之富貴遂不敢輕失我一時之貧賤故其寶貧賤也甚於寶赤刀宏璧大賂南金噫此元亮之隱情也其大敬之前軌也歟

過情之譽所不敢當然亦徽兄自道也

王思永新婚

余髫年從縣國先生遊先生之下交也餘十載與菽蘆友

成兄弟矣兄弟之弟吾弟也則余之弟自牧其墮篋之雅
奏乎今思永又偕兒輩爲雁行是祖孫父子兄弟之世交
也月之哉生明思永以乘龍而卜鳳速余爲歡誠歡矣序
屆冬嚴溫生錦谷雖非冰泮之融融不減桃霏之灼灼梅
英方豆沈水添香月管雲笙冰梨雪藕危繡窗而剪燭韻
玉女以廣詩嘉哉水鳥之咏音豫矣天倫之樂事然母夫
人尚恙雖頤解兮加飡猶參苓兮晨夕請篇端星之問視
成博議之東萊小學以戴髮青攸肆鷄初鳴一則願君子
之躬行也

短章以造語勝都雅勻秀真沈約任昉得意之筆

吳

謙齋文集

卷十二

題霄羽影障

霄羽吾友翁纖若之高弟也其尊人賈而儒嚴禮師每課
文夕必張宴宴必速余爲歡歡達曙後連歲從余遊鷄窗
夜勤勤而聲如有淚學成可獻之天子矣而六百數奇河
山易面越戈西指義不家寧柰憤帥淪師哲先裹足干榮
千鍾百鍊字字精工
抱恥驅車遠遊歷天下名山大川志不在廣開心目學司
馬氏之文章也遊倦里旋鍵扉督子子駿厥聲行翔天步
僉曰霄羽榮哉不於其身於其子矣余曰嘻何涼視吾子
爲也有志之士席寵爲羞子立子名父成父業吾子讀書
半世書應償吾子之逋且志大力堅閱數十年如一日夙

夜間必有乞諸天者天必霽顏俞其所乞故顛已二而氣
霞蒸髯戟列蓬蓬睥電光炯炯驚人於小照中從來人負
天天不負人何獨負吾子而以桑樞甕牖蓑風笠雨老其
身哉

錘鍊之至古雅精腴入其境者望其秀色真如巖節層
松水綺列竹

題涵之書舍

大丈夫學成王佐會際風雲手奉君民而堯舜之俾至治
馨聞人胥仁壽普天之下皆蓬萊斯不亦大展生平赫來
茲而聲振古者哉厥志未酬步樊氏之小人躋聖門而學
謙齋文集

卷十二

望

圃謀茲十武之宮滌穢誅茅檻草盆花汲鮮曉沐枝不以
弱而不碧花不以細而不芳滿架蒲萄斯陶斯詠雖幽人
之韻事實志士之寄精華蕭蕭抱鋤娛老良足悲已雖
然鄰烽照眼急羽星馳短垣之外晨弦方響夕馬旋嘶震
刃怒呼叱如山裂鄰家少婦鮮不以首觸扉魂驚剝啄而
我乃攤書一卷笑傲半椽風搖初綠之香月漏淺紅之影
亭陰濃淡花鳥生春昔茂叔愛蓮蓮豈百尋之沼淵明嗜
菊菊非一畝之隄托意在茲地因人勝矧名人字以蓬萊
珠玉於焉滿座傳之千里之遠將枉駕而求仙值今三暑
之餘聊開襟而自適

昔人以遊仙詩爲卽招隱之意則涵之之小蓬萊固肥
遯之所居也以流麗之筆寫幽隱之情遂覺翠葉橫枝
織鱗躍水盡屬濂溪飄灑風致

壽蔡大敬七十初度

奇筆持起應人耳目

余較書之暇搔首仰天見蓬戶逸南空中忽現一山若青
若紫峯可倚天溪光雪練游而儀者威鳳祥麟美人者含
笑之花韻士者夜明之草驚以爲怪也澄心耳之覺音裊
矣魚潛旋響鏗兮雲過意必仙人之所都乎振履蹤之不
百武而邇則大敬之短屋數椽山中影幻皆其室中之萬
卷及新繡之佳篇也文氣通靈聲聞帝座天故賞之以神

謙齋文集

卷十二

吳

奇炫人耳目若此哉茲當壬戌之春正大敬縣車之日姻
朋曰壽矣僉担酒牽簞筮簧庭實紗籠金璧綴彩班衣大
敬危辭色止之維予亦曰以今辰而壽大敬非嚴重大敬
者也予兄於大敬八齡無或輕壽徐子者是嚴重徐子者
也蓋人非總總中人必有志有學有才志果大學果博才
果足以經世天必不以五百年獨鍾之靈秀老林泉而寂
寞之矧不辰以來身於兵身於寇身於疫身於饑歷千磨
萬折嚙指備嘗卽膂力不愆之人亦必面番番而髮種種
何以齒之長矣杖扶於國矣而電爾眸青爾鬢毛足可
以支身筋能瘁寒暑且墨濡層紙筆走千章日嘔心血數

孟而神采倍新顏如童髮仍不鶴非帝心之簡在胡寵庇之優加今景運肇開四門將闢至尊手御繕以徵書宰相奉明綸而推轂四其絲六其馬形弓矢百盧弓矢千吾知登輓輪坐步挽者必吾友大敬侍子掖之以納陛先生揖矣而不名羹也而鹽之梅之川也而角之楫之上以堯舜

吾君者壽天子下以唐虞斯世者壽蒼生且以勳爛一時

鐫名於鼎者壽千古以此言壽不亦享天地之大壽齊河

山之不老乎大敬堯爾曰旨哉言心之醉矣德必有鄰願

偕伯仲爰呼兒剪圃之芽嫂氏杵瓶之粒觴我以濁醪黑

黍之漿也果我以脫粟青精之飯也歌既醉之詩雲璈之

謙齋文集 卷十二 完

奏也緩伏生之步元鹿之車也又何必選勝鴻濛之澤採

柔白海之濱也哉

許身何愚竊比稷契此在草野之時而忠義之氣與秋

色爭高者也嶽兄夙昔每具此懷自爲寫照仲光以同

類附之驥尾之幸爛有餘光矣

東松陵顧茂倫

兩載睽顏夢勤雲企客歲典新博學松陵大隱名厠徵君

是必素辱心知轂推顯秩噫何心之不我知也世固不乏

求名之士長安其饑渴也有不求名而甚於求名者終南

其隱情也有不求名而名已隨之而究無能少動我之不

求者在浙有折足之應嗣寅在晉有荆筐之傳青主松陵
有河水清清之顧茂倫應則撫軍重義兩疏代題傳則一
子二孫筐肩古寺顧則三殿元兩匄其廬良馬素絲拜首
而前者再披肝而進者三先生色過峻掬環門之水以訣
之曰此茂倫理玉處也三殿元爲朝廷賓士禮甚恭爲朋
友勸駕誼甚篤柰老甘貧賤者貧不吾珪壁移賤不吾金
紫易煌煌鉅典唐貞觀學士以來千餘年不一二見之曠
舉行將聲飛來禩光軼前徽乃有五十才人之射策蔚盛
世右文之大隨有不奉詔之三君子表 興朝養士之

高出處同揆於鴻儒二字倍爲生色矣是月旣望某郵寄
謙齋文集 卷十二 辛

大可毛子曰吾弟之文自足千古卽書不下微亦自千古
甫入都門走馬草萬柳堂一賦霞明五采雷動京華甯不
與三都等賦並傳第人以文傳文又必以人傳謝彼翰苑
之朝花圃我故園之靖節蕭然一片石晶晶垂釣之桐江
矣蕙風蘭月唱和子陵架滿雕龍明珠萬斛百世下讀書
懷古之英一字一黃金以寶之展卷層樓不敢以塵襟對
盟鬱金之水焚以博山拜衣冠而莊誦焉曰此又某朝彭
澤令之錦心也一日之榮榮乎抑于秋之樂樂乎東大可
之箋正爲先生頌己老友遙天法無縮地吐懷尺楮睇戀
吳山燒燭倚觚漏傳初鼓異哉筆墨生香煙浮斗室凌晨

猶未解也高賢之馥人若此哉魚鳥可緣勿音金玉
以婉麗之辭寫高潔之况不覺其靡轉見其峻

贈朱羽丹新婚

時丁百六丙丁閒奉老母巢山之阿麋鹿焉終身此志已
白之帝天矣無何山中蠢動弄兵者比戶而譁不得已違
志入城鄰斯佩垣各高於屋丈許隔小衢徑六尺撤丈垣
尺地儼若同居故讀古之聲句字清於耳余方焚筆墨不
敢近不敢近何心殆恆儕斯佩乎哉後斯佩徙衢之迤北
述舊居六十武反漸親漸訂交交而知斯佩身今人心古
人向之恆儕斯佩者聾聵也獲罪斯佩實甚遂聯蹤無閒
謙齋文集 卷十二 五十一

謙齋文集

卷十二

五十一

日坐必移晷見盤甌淪茗敬進者其長君羽丹英姿秀上
眉日照人回視富貴家兒鮮衣肉食肥蠢堪憐天壤縣因
簡其細行雜窗外行孝友方力糗羹必手將臥起侍衣櫛
保抱懷中弟如乳娘甚猥褻事皆身勞此子髮正青敦行
不訥如是歲三月出贅外父家去家不百步而近少年燕
爾欣動顏色人情哉屈辰宗黨翼之升輿余以父執旋往
送笙簧悅耳燈彩耀目羽丹拜父母涕交頤不以合巹爲
歡而以暫離膝下爲苦斯佩對余亦復數行下不以子之
合巹喜而以兩尊人之不及見悲於極慶樂時父子之感
傷若爾豈非至情篤於天而彛教傳之世者乎斯佩以荆

山之壁吐明月之珠字字錦心已芬人齒羽丹孺子耳文
彩尚遜阿翁胡懿行遂珍美玉他日以孝於親者忠於君
榮名不足豔其心殊勳不以驕其志盡瘁疆場之事正色
天子之廷於羽丹有厚望已勗之羽丹勿辜余今日言

就事寫來情景最眞而撰語又無一不工妙由其字洗
句鍊故讀之懇至不厭

東貞一萬太史

聲之締交於履安先生且中晦木介之也顏不殷承氣誼
加漆各剖肝而共赤詎山川之阻修後以莽戎斥伏雙羽
星奔旅戒裏蹤聿艱魚雁曾幾何時而寒暑催遷三旬影

謙齋文集

卷十二

五

電聚散存亡不可問矣嗣聞世兄學瞻天人髻飛駿譽廷
臣推轂六馬四絲感隆三聘之勤爰釋有莘之耒館華金
殿史纂前朝此熙明之懿典實萬禩之觀瞻也粵稽虞夏
以來得天下之正者首重漢高兩明高帝之功爲尤烈湯
武之德猶慙唐宋不足齊矣是神禹後之地平天成也惟
克享帝心者正故正氣鍾靈特多忠節靖難之變家變耳
奇忠異節編年之穎禿矣尚有埋姓氏於野服黃冠辱人
賤行外者唐虞迄此四千年有若是之照耀日星者乎厥
後歷朝臧否直筆可伸不避疑猜豈煩回互獨神廟晚年
下逮三朝黨事相仇紛撓黑白此曰君子彼亦曰君子此

曰小人彼亦曰小人君子必不以小人爲君子而小人必反以君子爲小人緹騎繹紘碎身厥衛小人不殺盡君子不止君子不盡爲小人殺亦不止死榮生辱忠魂與靖難時略等第靖難之死死於朝廷黨人之死死於寺人女子之手忠而憤憤則呼天天天之怒故雖以烈皇十七載之憂勤煤山禍酷僉曰國君死社稷正也祖宗之得國也正子孫之失國亦以正其高帝之所憑乎又曰不宜得國而得國者不宜失國而失國天以三月庚申結靖難改元之宿案乎皆是也而總皆黨事相仇陰邪猾賊以陰召陰之所致蓋忠臣義士之氣天地之浩氣國家之元氣所倚也

浩氣消則元氣削而且盡從古無門戶株彘倒阿婦寺而宗社不因之覆亡者是必有正學有正志有定見有定力獻神廟來三十年之聚訟折以片言日咬雲澄千秋法戒嘗讀春秋一書史書也續之者綱目晉處士陶潛卒莽大夫揚雄死衮以一字斧以一字必如是而史始信始可告諸天下後世否則史而穢矣故寧以賈怨爭是非斷不以史官鬻情面毫端鬼擘楮底神呼尚其宗系紫陽高曾麟譜庶於館席尊榮丕釐大典向曾與大敬大可危坐肅容虛公評騰茲於世兄有殊望已至先節婦之節奇節也以晉未及暮之繼偶年十九而青所依者前婦僅能學步之

孤兒耳一旦離父母別兄弟辭諸姑姊宗戚左手扶襯右手提孤間闕三千里自閩之浙隻影而柏舟者七十餘載仍辛撫三世遺孤共姜令女曾有此百折否而登大明一統志語澀而略字慳典則且無血性動人令後賢欲泣欲拜今得世兄椽筆先節婦死於百年之前茲復生於千百年而未有艾泉下之光太史之寵敬偕龐眉昆季幼子童孫洮頰焚膏遙睇神京角崩禋祝以謝

中有絕正大議論亦有處士所不宜言者至於神廟末黨事則尤不宜言以其子孫有綰國政者恐賈禍也何如何如慎之慎之

謙齋文集

卷十二

五

丁大聲六旬初度

人以百歲爲壽乎余曰否生無益於時死無聞於後永年卽數百有奇亦天地閒偷生一蠢形耳與殤子何異人當以今古爲壽今以言乎斯世之不可少此人也千百載後仁人君子拜慕焉口嘖嘖誦不休曰某時有某如此某之某事其皎若日星如此則是人古矣古則壽吾友大聲六十歲老儒耳不立朝不官郡邑於鴻功濟世也何有余獨心歸之曰此鴻功濟世人也古來非常人舉動開胸放手大張眼目踢倒從前舊案做驚天動地事而聖賢不以爲非如伊尹之於太甲周公之於管蔡尚已而伊周後歷溯

漢唐宋每代必有數輩然三千年內才德止此數輩乎蓋數輩時際泰輿出而大有爲於天下上諧魚水之歡下答蒼生之望其事傳其人傳如其人而不必如其事者代亦不乏豈以不如其事遂謂不如其人乎則人亦但問其果有才德與否幸而顯名當時不幸而卷身抱道其人同不必疑其事之有不同也大聲讀古人書目與心謀不稍屑爲經生學每於花明漏永天清月白之下焚名香潔衣履揖古人而坐論之治亂興亡儼以身與一切靖禍亂決危疑裁定莫大政典可否古人不少私故其學有實用援古酌今如伸指知寸伸掌知尺一日有審像俾以形如商高謙齋文集

卷十二

五

宗盛事鹽梅舟楫厥功爛焉將六十年所讀之書一字字酬之君父吐其膽智可令朝廷百官見并可令窮簷之匹夫匹婦見洗處士盜名之羞不負皇天生我之意躋古賢公卿左右當無避席不遑矣余杜門久不敢倒屣天下士天下士不余遐耳而目之者多矣其品量淵卓足爲世型者千里之內有人百里之內有人然治天下以德致天下之治以才太平之羽儀知不足爲救時之粟帛求其開胸放手大張眼目立起溝中之赤子力還天地以清寧舍大聲其誰與歸大聲言貌不世諧不理恆人之口必訕余言爲過情但恆人見影余則見形不我許其亦莫吾奪也大

聲當以此爲壽余方以此爲大聲壽

醇雅博大歐曾王集中多此咀嚼數過自有一段韻折

送李一暉昆季上公車

一暉王大父映德耆賢也客燕四十年歸則詩禮兩孫不
遑暇時乃翁兼汝叔氏我儁髮皆青敦師鍵其尸余至則
啟而仍鍵焉講道衡文漏數下猶擁膝久定手足交延余
其几案月前花底水韻山容攬勝必與偕胸懷高豫觸境
皆文章詎降割我邦聲筋盈耳焚棄筆墨不約而同時則
有若蔡子大敬毛子大可張子南土相與詩酒怡情流商
叶羽存斗室之太平家桃源於城市而一暉昆季方童子

謙齋文集

卷十二

五

兩手捧書就外傳其學舍離予坐處牆及肩但聞金石誦
音從不躡影竊聽余謂兼汝曰而兒輩必大昌蓋父兄之
教不嚴子弟之率甚謹不數年聿駿有聲越中齒少年才
士必曰二李云兼汝性好交游遐邇名賢班荆於其堂者
輒滿里門履盈牖下嫂氏躬菲禮十餘年無倦容夫何朋
友之禍無故而及絕塞縲行室無完土而昆季碎首觸階
顛身代而不能徒捐生以何益遂三人分任長一暉雷家
幼三暉侍行次仲次暉繹於途三暉年十三人情愛少子
色養二親於大難中有菽水晨昏如居室酸風苦雨長途
不甚楚此也一暉奉七旬祖母饌必選粒飲必名醕懼傷

憶子強言笑諸姑幼婦共嬉燈下紿雁足慰以歸期令白
髮歡廚無宿米不言貧舌耕以餬多口日以減食者遺遠
徼世豐之餘備極寒士之苦次暉則骨立偻軀徒步往返
數千里肩革囊足芒屨夏不張蓋冬不添衣僵雪吞冰手
面瘡痂凡數往返而神枯形削非復曩者之次暉矣兄弟
鷄窗饑不辨食寢則和衣晝粥縣梁讀而苦苦而泣泣而
呼天崩角以告告無以報二親冀惟顯親揚名連袂登衢
使極邊之地覽賢書而色笑似於萬里之外聊進甘旨而
今果鸞飛豹變孝思所積上孚於天矣捷之辰姻朋喜予
則悲悲兼汝之不親見也而昆季亦號啕轉戚不赴宴不
謙齋文集

卷十二

七

稱慶不拜謁官長不與聞外事敝裘塵絮策蹇都門是役
也吾知必甘泉揚子三策董生袍袖天香杏花聯轡藹
音於特典官乃父而榮旋今以爲人臣者爲人子嗣以爲
人子者爲人臣兼汝半世讀書不於其身而於其子人道
也天道也父子兄弟嘉樂錦堂予不於而昆季加額以鳴
歡當與乃翁攜手而話舊

字字鎔裁有法頓挫盡致眞字錘句鍊之章兼汝子母

之姪子內兄弟也况予又生長外家乎一讀此文旣爲

一暉兄弟慶復不禁涕之淋漓也

壽俞文起七旬

竊聞一治一亂古今之定數也乃天有不爲人所亂者惟雲漢地有不爲天所亂者惟桃源桃源之名豔而雅傳爲仙人所都意桑麻鷄犬盡桃花片片紅乎粵稽地誌東與南各以名邑我蕭則以名鄉鄉蓋千百年矣未聞有劉阮其人者四十年前聞伊地有弱齡美秀日記萬餘言別字文起偶於友人座拜顏色器而交之交矣仍面也丙戌夏錢江兵解余於萬馬奔嘶內盤旋馬首自蠡郡走潘山血腥膏野遐睇無旅蹤知通衢之足裹矣遂匿影桃源之白鹿山時雜髮之令嚴苛稍延者刑以逆余以髮膚受之父母必歸稟膝下奉老母手髡影之所繇匿也適文起亦攜

謙齋文集

卷十二

五

脊避山寺之層樓正四旬初度荒山岑岑宵止猿啼晝無花落安所得炙羔羊而觴玉露爰探翠竹之新芽沸石流之香髓葛衫芒屨村醪傳觥嗣茲永夕晨星剖肝相示義合訂昆弟交別則子隱語篇於稼文起隱於醫稼者拙不能餉十人醫則殫精黃帝之書心與天通力能造命凡歲災人厲天之所不能生者文起立生之奪化工生死之權補帝王仁育之政回殺運於方新助天心之不逮參三才而獨立其在斯人乎先儒言存心濟物者不爲宰相則爲名醫變理陰陽道則同功則一也而恒流訕之以其少工舉子業使吐其藻繪之才必翔步雲霞之上聲望寧屈各公卿

下噫何燕雀我文起爲哉君子值世變寧辱毋榮當以退步爲進步外之青山綠水我之白日青天故塵芥軒裳笑遺泡影其潔志澄懷視向盟白鹿之巔與學稼老人稱義合者歷三十年如一日振衣千仞岡濯足萬里流生於桃源長於桃源隱於桃源桃源之人夥矣惟文起真不愧桃源兩字今古稀偕老鼓瑟宣歡露餐仙掌之珠月循桑花之酒慚茲稼叟莫展芹私聊以筆墨代珪璋製不斐之言六百字願一字一壽敬祝今之劉阮宇文起者

文如江光千里孤月高鶯青藤遠映白露微零旣羨鮮濡之欲流又欽結體之能潔

謙齋文集

卷十二

五九

贈駱幼重

語云日月星辰天之文也文而不奇奇莫奇於雲霞之幻采山川河嶽地之文也文而不新新莫新於花木之初英蓋日常習庸見不庸者而驚心每求鮮見方鮮者而悅文之情人之情也余閱幼重文清在奇中曲在新中晷移尺不釋手以爲天吝才實喜才吝故少喜故每不乏幼重之心於文天之心於幼重也乙巳其几視於余之斗室余緝名山之藝以商之幼重曰先生菲我某早歲就外傳傳非舉子不業某亦勉承之非志之所安也某家食國恩者世敢苟且功名辱吾父祖乎髫能搦管勿復梯榮肝腸已盟

之幽獨矣且變出非常決非倖身兩榜之人手持八股佳
篇便克沐河山而揚大烈先生天下已任富經濟之學曷
不以所富者飫吾寔餒乎况時丁不祿戰運方升拯民之
事無非刀兵靖亂之兵盡皆鼓亂潢池赤子其先聲也嗣
必大武功以張撻伐然後綏文德以光太平先生夙夜兵
學二十年著有成書又曷不以秘諸人者私予小子乎余
曰而之幽獨鬼神之所欽也大凡治極亂之天下當亟除
民苦甦極苦之民隱在重極官貪從來歷數代更而蒼黎
不易與帝王相終始者惟此田閒愚賤之百姓故景星瑞
黃河清不如五穀熟而人民育麒麟遊鳳凰舞何如桑麻
謙齋文集 卷十二 六

盛而鷄犬寧蓋人者天之心也民者國之命也民心悅矣

至言至言

天眷在茲矣則百姓二字古今來莫大之經濟也若孫吳

之學疑而信信而疑援古訂今揣摩者素統如堯舜傳心

嫡血脈祇有一線千變萬化總惟此一線中古有十九字

周有三百六十五字宋有六十七字余謬定五十字字

皆有實用其理在易其數在河圖洛書其制在井田其用

在耳目手足行立坐臥其合宜在上天下地其神化在奇

正分合因與之寢食其中冬不爐夏不扇鷄窗黎雨如是

十裘葛而幼重之夢懷差堪自慰獨怪予之口勞幼重之

耳逸無乃入而填乎叩而知其脗於言之中隨通於言外

老人之一得皆幼重之三隅才之天授天之心乎幼重若

此哉柰家以國難而貧貧與日積向晨昏外家邇以食指之繁貫椽而爨身爲古處書難療饑雖室人安矣如甌塵何予曰古有公輔而肇跡於學究者而知趙普乎普宋開國之首揆也微服枉駕時方教授荒村藉二三孺子以餉其口而盍爲今之趙普乎幼重怫然曰代耕敦學寒士之有秋齒及趙普抑又非我甚普奉太祖剪除荆棘四征弗庭造宋三百年區夏寧非太祖之名相厥後太祖已誤一言使太宗於母不孝於弟不友於猶子不慈於兄則不弟且不忠實趙普陷之也普始爲太祖之名相究爲太祖之

謙齋文集

卷十二

空

罪臣誼蒙雅重奈何趙普予哉余喜而避席曰而節概能爾不虛几硯十年矣正色立朝可以決大疑建大策上告無罪於天子下謝無負於蒼生并可以對乃祖乃父於不愧以此言文庶幾經天緯地之文彼雲霞之采采不崇朝花木之英英無百日余終以日星河嶽爲幼重禱已

自古英雄雖天資曠邁其於山川形勢戰鬪方畧無不畫地成圖口言盡變雖經世大臣器局宏遠亦惟在措茲蒼黎安堵使德澤下流此文旣志安民又審於兵生平以管仲樂毅自比故其議論矯矯如此而幼重之才學謀謨亦概可知矣

文固澹宕自奇然其自命及以名世期之幼重處使稍
斂鋒鏑如周彝漢鼎入土千年朱翠斑駁見者無不欽
其爲寶

弟大敬又僭評

初秋蘭以爲佩王子所繇字也花與人宜天香異彩
同大敬秋駕幼重并弟玉涵猶子德俊賞之

大麓愛者迎之主盟金谷白玉爲筐朱欄四幙甘露輕縣
祥風細沐媚世仙姿齊芬艷續氣吐層垣人遊麗國老漁
書餌經史其魚罷釣呼朋展爾鸞栖錦城方級袖滿瓊芝
千花拂座競綠沾衣宜男膝遶侍女蓮移青霞的的鳳尾

謙齋文集

卷十二

全

離離貪情翠羽老眼加迷主人卓筆君子爲題漢篇征雅
楚賦耽映蘭姨刻燭蕙汁研珠藻聯七步萬斛明珠賞不
盡美含笑已知悅已者容靈則新奇美人月下簇影香肌
爾頤我解我顏爾霽攜香繡榻卜夜忘歸

波瀾宏麗故雖尺幅讀不易盡○離騷以香草比君子
斯文有欣喜慕悅之意愈見其妙

送陶燕公北遊

今夫目不遐尋丈咫尺之才耳不屬垣以外閭門之士也
見聞不廓則心胸鄙束學問不諳履則口讀之書讀語工妙膚予故
欲遍遊名山大川察民風之美惡文教之廢興及重關疊

嶽險阻阨塞羊腸狗門之地形因以覈士馬糗糧之全數
恨筋衰囊溼舉武告艱吾友燕公年二十卽盟大志半生
馬足歷三吳齊衛秦晉燕趙之區西北鮮不舟車而東南
尚勞夢寐茲欲劍遊入閩踰豫章而徧三楚夫豫章昔偕
按君代狩知其地界荆吳閩粵與浙爲鄰江州控上遊之
勝鄱陽叢伏莽之奸今之地井牧而民什伍儼然舊日桑
麻也獨會稽南郡衢信當其北建南峙其右惠潮帆影呼
吸臂連大海南環霞關北障昔虞倭警今塵揚波回顧海
疆能無宵旰至三楚會聯七省洞庭爲沼漢水爲池衡嶽
倚天九嶷插漢荆襄扼秦豫之咽喉江淮控金陵之衣帶

謙齋文集

卷十二

室

極西爲牂牁谿洞之百蠻極南則象郡朱厓之百粵其地
廣其土腴其民勤其性悍甲兵當天下之十三米粟當天
下之十九大江南北精之咸宿飽焉是誠富強之都王霸
之先資英雄之所必爭也故蜀漢圖之定三分之鼎南渡
守此扁半壁之藩燕公故有心者能不重爲畱意乎脫也
車塵無恙書劍縱橫繇此而兩粵而三巴而滇而黔借彼
蒼之歲月問俗觀風故土新疆足無不跡身之所旅皆其
畫之所周將一幅輿圖盡在目中盡在胸中盡在經理中
異日蒲輪黃屋之下拜手對揚某某之民風若此土田若
此戶口貢賦若此某某之兵食若此某某之河山形勢可

戰可守若此伸指而畫吐舌成書無異聚米成山疊沙爲陣儼如親扈天子駐蹕於茲停輿而清問者是爲濟時實學匡世大才內可秉均外堪專閫於大笑出門庶爲不負設徒以涉水登山麗作賦之雕蟲富齒餘之錦繡芟芟小儒耳於世道何補余甚不欲濡毫潑墨爲若輩宣辭也燕公耳予言或斂手謝不敏乎然心實唯唯已

熟於天下形勢以及甲兵米粟之數故慷慨言之無不宏暢明晰披讀一過如獲秦漢古鼎熊熊之光逼人蒲輪黃屋親扈駐蹕宵旰停輿等字稍一鎔之使無其跡何如何如商之

謙齋文集

卷十二

禽

謙齋文集卷之十二終
吐舌如書無異聚米成山疊沙爲陣儼如親扈天子駐蹕於茲停輿而清問者是爲濟時實學匡世大才內可秉均外堪專閫於大笑出門庶爲不負設徒以涉水登山麗作賦之雕蟲富齒餘之錦繡芟芟小儒耳於世道何補余甚不欲濡毫潑墨爲若輩宣辭也燕公耳予言或斂手謝不敏乎然心實唯唯已

住蕭邑南門外翠頭莊金殿刻字

